

Ilisimatusarfimmi Ilinniaatsinut Institutimi kandidatimut ilinniarnert pillugit Namminersornerullutik Oqartussat nalunaarutaat

Ilisimatusarfik pillugu Inatsisartut inatsisaanni nr. 16-imi, 31. oktober 1996-imeersumi § 18, nr. 1 aamma 2 kiisalu § 19, nr. 3, Ilisimatusarfimmillu innersuussuteqarneq malillugit Naalakkersuisunit aalajangersarneqarput:

Kapitali 1

Ilinniagaqarnerit siunertaat aaqqissugaanerallu.

§ 1. Ilisimatusarfimmi Ilinniaatsinut Institutimi kandidatimut ilinniarnert ilisimatuutut periaatsit, ilisimasat piginnaassutsillu tunngavigalugit pisortat aamma namminersortut suliffeqarfini, atorfeqarfinni aamma kattuffinni sulinissamut ilinniartut piukkunnassuseqalersissavaat.

§ 2. Naalakkersuisut Ilisimatusarfiup innersuussineratigut akuerissavaat ilinniagassat suut iluini, piffissallu qanoq sivilutigisup iluani, nalunaarut una malillugu ilinniagaqarnerit neqeroorutigineqarsinnaanersut.

§ 3. Ilisimatusarfimmi Ilinniaatsinut Institutimi kandidatimut ilinniarnert atorfeqarfiit / ilinniartarfiit allat ilinniarnernik ingerlaqqiffusunik assingusunik ingerlataqartut suleqatigiissutigisinnaavaat, tassunga atatillugu akuerineqarsinnaalluni ilinniartarfinni allani taamatut suleqatigiiffusuni ilinniarnertup ingerlanneqarsinnaaneri.

§ 4. Ilisimatusarfimmi Ilinniaatsinut Institutimi kandidatimut ilinniarnert ilinniartup ukiuni pingasuni ilinniarnertatut sivilussuseqarput.

Imm. 2. Ilinniartup ukiumi ataatsimi ilinniarnera tassaavoq ilinniartup ukiumi ataatsimi sulinera.

Imm. 3. Ilinniartup ukiumi ataatsimi ilinniarnera 60 pointinik naleqarpoq European Credit Transfer System (ECTS-points) naapertorlugit.

§ 5. Kandidatimut ilinniarnert Ph.D.-gradimik angusaqarnarluni ukiuni pingasuni ilisimatusarnermik taperneqarsinnaapput.

§ 6. Ilisimatusarfimmi Ilinniaatsinut Institutimi ilinniarnertup ilinniartut fagit/ilinniakkat innersuussutigineqartut ilisimasassartaannik imaluunniit ilisimasassartaasa teoriiviniik taakkunanilu periaatsinik tamatigoortumik paasisimasaqalersissavai pisinnaalersissallugillu sammisanik nassuiaasinnaalernissamut, oqaatiginnissinnaalernissamut, paasiniaaqqissaarsinnaalernissamut ilinniaqqinnissamut imaluunniit inuussutissarsiummik ingerlatsisinnaalersinneqarnermut tunngavissinneqarluni.

§ 7. Kandidatimut ilinniarnert ilinniartut ilinniartitsisumut, professionsbachelorimut aamma bachelorimut ilinniarnermi ilisimaligaat ilaartussavaat aammalu suleriaatsinut teorimullu tunngasutigut piginnaassusii kiisalu paasissutissiinnaassusiat nammineersinnaassusiallu annertusassallugit.

Kapitali 2

Ilinniarnernut qinnuteqarnissamut piumasaqaatit

§ 8. Kandidatimut ilinniarnissanut qinnuteqarnissamut piumasaqaataavoq qinnuteqartup meeqqat atuarianni ilinniartitsisumut, naleqquttumut professionsbachelorimut, naleqquttumut akunnattumik sivilissusilimmik ingerlaqqiffusumik ilinniarnermut imaluunniit naleqquttumut akademisk bachelorimut ilinniarsimanissaa.

Imm. 2. Ilinniagassat aqqissuunneqarneranni aalajangersarneqassapput, professionsbachelorimut ilinniarnert suut, akunnattumik sivilissusilimmik ingerlaqqiffusumik ilinniarnert suut imaluunniit akademisk bachelorimut ilinniarnert suut kandidatimut ilinniarnissanut isissutaasinnaanersut.

§ 9. Qinnuteqartut ilinniartitsisumut imaluunniit naleqquttumut akunnattumik sivilissusilimmik ingerlaqqiffusumik ilinniarnermut ilinniarsimasut ilinniarnertik semesterimi siullermi aallartittassavaat.

Imm. 2. Qinnuteqartut pædagogik-imi diplomimut, professionsbachelorimut imaluunniit akademisk bachelorimut ilinniarnermik naammassinnissimasut ilinniarnertik semesteriini pingajuanni aallartittassapput.

Imm. 3. Qinnuteqartut masterimik ilinniarnermik naammassinnissimasut ilinniarnertik semesteriini tallimaanni aallartittassapput.

§ 10. Ilisimatusarfimmi rektori studienævni inassuteqarneratigut ilinniarnerni ilinniartunngornissamut qinnuteqartunut akuersissuteqartassaaq. Qinnuteqartut kikkut akuerineqassanersut nalilerniarnerni qinnuteqartumit immikkut isiginiarneqartassapput

- 1) ilinniarsimassutsikkut piginnaasat,
- 2) suliffeqarnikkut misilittakkat aamma
- 3) ilinniarnermut qinnuteqarnermi tunngavilersuutit.

Kapitali 3

Ilinniakkat imassa at aqqissuunneqarnissaallu

§ 11. Kandidatimut ilinniarnertik tassaapput ilinniartitsisumut ilinniarnermik, professionsbachelorimik ilinniarnermik, naleqquttumik akunnattumik sivilissusilimmik ingerlaqqiffusumik ilinniarnermik imaluunniit naleqquttumik akademisk bachelorimik ilinniarnermik ingerlaqqiffupput.

§ 12. Kandidatimut ilinniarnermi ilaavoq namminersuutaasumik annertujaamik allaaserisaqarneq (specialeqarneq), pædagogikkimi ilinniakkap iluani annertujaamik allaaserisaqarsinnaaneq (specialeqarneq) imaluunniit namminersuutaasumik annertujaamik allaaserisaqarneq (specialeqarneq) atuariup iluani atuartsissutit qanitariissut tallimaasut ilaannit ataatsimit toqqagaq imaluunniit immikkut ittumik atuartsineq aamma allatut immikkut perorsaanikkut ilinniartitsinikkullu ikiorsiisarnermit toqqagaq.

Imm. 2. Specialikkut uppersararneqassaaq ilinniartup ilinniakkamut tunngasunik ilisimasaqarnera aamma piginnaasaqarnera ilinniakkaminullu killiliilluni qulequtamik aalajangersimasumut tunngasumik sammisaqarnermini ilisimatuutut teoriinik periaatsinillu atuilluarsinnaanera.

Imm. 3. Specialimik allaatiginninneq killilerneqassaaq suliarinera naammassineqarsinnaanngorlugu ukiumut sammisat suliarisarnerisa affaattut sivilutigisumik. Speciali pillugu erseqqinnerusumik aalajangersakkat ilinniarnernup aqqissuunnerani aalajangersarneqassapput.

Imm. 4. Specialimi allaatigisassaq ilisimatusarfimmi ilinniaatsinut Institutimit akuerineqartassaaq, qaqugulu tunniunneqarnissaa tassanissaaq aalajangerneqartassalluni.

§ 13. Tamatigoortumik pædagogikkimi kandidatimut soraarummeersimasunut taaguutitut akuerineqarpoq candidatus imaluunniit candidata pædagogigæ (cand. pæd.).

Imm. 2. Tamatigoortumik pædagogikkimi kandidatimut ilinniarneq ilinniagassap pædagogikkip iluani 180 ECTS pointinik ilisimatusarnertut naleqarpoq.

§ 14. Didaktikkimi kandidatimut ilinniarneq ilinniagassap pædagogikkip iluani ilisimatusarneruvoq atuarfimmi atuartitsissutit qanitariissut tallimat akornanni ataatsimi atuartitsissutit akimorlugit imaluunniit immikkut ittumik atuartitsineq aamma allatut immikkut perorsaanikkut ilinniartitsinikkullu ikiorsiisarnermik ilisimatusarnermik taperneqarsimasoq. Didaktikkimi kandidatimut soraarummeersimasunut taaguutitut akuerineqarpoq candidatus imaluunniit candidata pædagogigæ (cand. pæd.).

Imm. 2. Didaktikkimi kandidatimut ilinniarneq ilinniagassap pædagogikkip iluani 60 ECTS pointinik ilisimatusarnertut naleqarpoq aamma atuarfimmi atuartitsissutit qanitariissut tallimat akornanni ataatsimi atuartitsissutit akimorlugit imaluunniit immikkut ittumik atuartitsineq aamma allatut immikkut perorsaanikkut ilinniartitsinikkullu ikiorsiisarnermik 120 ECTS pointinik didaktikkimi ilisimatusarnertut naleqarluni.

§ 15. Ilinniartut kandidatimut ilinniarnermi soraarummeernernik 60 ECTS pointinik naleqartunik naammassisaqarsimasut akademisk diplomitut ilinniarnermik naammassinnissimasutut uppersarsaammik allagartartaartinneqarsinnaapput.

Imm. 2. Ilinniartut tamatigoortumik pædagogikkimi 60 ECTS pointinik pissarsisimasut akademisk diplomitut allagartamik tunineqarsinnaapput.

Imm. 3. Ilinniartut ilinniagassap pædagogikkip iluani 20 ECTS pointinik pissarsisimasut aamma atuarfimmi atuartitsissutit qanitariissut tallimat akornanni ataatsimi atuartitsissutit akimorlugit imaluunniit immikkut ittumik atuartitsineq aamma allatut immikkut perorsaanikkut ilinniartitsinikkullu ikiorsiisarnermik ilisimatusarnermik 40 ECTS pointinik pissarsisimasut didaktikkimi akademisk diplomitut allagartamik tunineqarsinnaapput.

Imm. 4. Ilinniartut ilinniagassap pædagogikkip iluani 20 ECTS pointinik pissarsisimasut aamma atuarfimmi aqutsinermik ilinniakkanik 40 ECTS pointinik pissarsisimasut atuarfimmi aqutsinermik akademisk diplomitut allagartamik tunineqarsinnaapput. Tuluttut: Academic Diploma in School Administration.

§ 16. Ilinniartut tamatigoortumik pædagogikkimi 120 ECTS pointinik pissarsisimasut tamatigoortumik pædagogikkimi masteritut ilinniarnermik naammassinnissimasutut allagartamik tunineqarsinnaapput.

Imm. 2. Ilinniartut ilinniagassap pædagogikkip iluani 40 ECTS pointinik pissarsisimasut aamma atuarfimmi atuartitsissutit qanitariissut tallimat akornanni ataatsimi atuartitsissutit akimorlugit imaluunniit immikkut ittumik atuartitsineq aamma allatut immikkut perorsaanikkut ilinniartitsinikkullu ikiorsiisarnermik ilisimatusarnermik 80 ECTS pointinik pissarsisimasut didaktikkimi masteritut ilinniarnermik naammassinnissimasutut uppersarsaammik allagartartaartinneqarsinnaapput.

Kapitali 4.

Naliliineq

§ 17. Kandidatimut ilinniagaqarnerni pisinnaasassatut angusat misilitsinnikkut uppersarsarneqassapput, tamakkununga suliaasiissut specialillu nalilerneqarnerat ilanngullugit.

Imm.2. Ilinniagaqarnerit ilaat imarisamikku aqqissuussaannermikkullu soraarummeerutissaqqinngitsut uppersaaserneqarsinnaapput ilinniartup ilinniarnermi peqataaneratigut imaluunniit allaatigisaqartinneratigut. Taamaaliorsinnaaneq ilinniagaqarnerup aqqissuussaannerani malittarisassiuuneqassaaq.

Imm. 3. Misileeriaatsini sianigineqassaaq ilinniartitsinerup siunertaa aammalu ilinniartut tamarmik immikkut naliliivigineqarnissaat.

§ 18. Kandidatimut ilinniarnerni misilitsinnerit avataaneersumit nalileeataaffigineqartassapput, uppersaaserneqarlutillu. Misilitsinnerit ilinniakkat imaat annertuut, problemstillingit sammeneqarsimasut aammalu periaatsit atorineqarsimasut tamakkiisumik misiliffigissavaat.

Imm. 2. Misilitsinnerit nalileneqassapput soraarummeersitsisumit (-sunit) nalileeataasumillu (-sunillu) ilinniartitaanermut pisortaqarfiup toqqagaanit nalileneqassapput.

Imm. 3. Karakteriliiniarnermi soraarummeersitsisoq (-sut) nalileeataasorlu (-sullu) kisimik najuussinnaapput.

Imm. 4. Sulilluni sungiusarneq angalaarlunilu misissuinerit ilinniagassat aqqissuunneranni malittarisassat najoqqutaralugit uppersarneqassapput.

§ 19. Naliliinermi atorineqassaaq 13-skala takuuk karakteriliisarnermi naleqassutsinik tulleriinnilersuineq allatullu naliliisarneq pillugit Namminersornerullutik Oqartussat nalunaarutaat nr. 14, 9. april 2001-imeersoq.

§ 20. Misilitsinnerit aqqissuuneqassapput inuit ataasiakkaarlutik misilitsinnerisut.

Imm. 2. Kisianni ilinniagassat aqqissuunneranni aalajangerneqarsinnaavoq misilitsinnissat aalajangersimasut ilaat aqqissuuneqartassasut inunnit arlalinnit ataatsimut suliarineqartussatut, ataatsimut naliliiffigineqaatigissassannik.

Imm. 3. Arlallit misilitsinnermik suleqatigiinnerat imatut aqqinneqassaaq misilitsittut tamarmik immikkut nalileneqarsinnaasunngorlugit.

Imm. 4. Ilinniagassat aqqissuunneranni aalajangersarneqassaaq taamatut inuit arlallit misilitsissinnaaneranni amerlanerpaamik qassit peqataasinnaanersut.

§ 21. Inuit arlallit suleqatigiillutik oqaluttarissanik soraarummeersinneqarnerat ingerlanneqarsinnaavoq ilinniartut, soraarummeersitsisoq (-sut) aamma nalileeataasussaq (-sat) oqaloqatigiissillugit. Peqataasut tamarmik immikkut soraarummeersinneqarnerat ilaasassaaq.

Imm. 2. Inuit arlallit suleqatigiillutik allattarissanik soraarummeersinneqarneranni inuup ataatsip suliaa malugineqarsinnaassaaq, suleqatigiillu tamarmik immikkut naliliiffigineqartassapput. Taamaattorli ilinniagassat aqqissuunneranni aalajangerneqassaaq suleqatigiit tamarmik immikkut naliliiffigineqarnerat pisinnaassasoq allaatigisaq tunngavigalugu itisilerilluni oqaloqatigeereermermi. Taava immikkut naliliiffiginneq pissaaq oqaloqatigiilluni soraarummeersitsineq tunngavigalugu.

Imm. 3. Ilinniagassat aqqissuunneranni aalajangersarneqarsinnaavoq specialimi allaatigisaq oqaloqatigiissutissanngortinneqartassanersoq. Taamaassangaat taava naliliineq pisassaaq allaatigisamik oqaloqatigiinnermillu ataatsimut qanoq isiginneq tunngavigalugu.

§ 22. Misilitsinnerit naliliiffigineqarnerilluunniit allat tamarmik immikkut angusiffigineqassapput. Misilitsinnerit angusiffiusut misilitseqqiffiusinnaanngillat.

Imm. 2. Ilinniartuq amerlanerpaamik pingasoriarluni kandidatinnigorniarnermut misilitsinnissanut naliligassanullu aallanut akuerineqarsinnaavoq. Ilisimatusarfiup sisamassaaneernissaq immikkut pissutissaqartillugu akuerisinnaavaa.

§ 23. Soraarummeernissamut allakkatigut nalunaartarnissaq kingusinnerpaamik pisassaaq soraarummeernissap nalunaarfigisap aallartiffissaa qaammammik ataatsimik sioqqullugu. Ilinniartup nammineerluni misilitsiffissaminut nalunaarnissani akisussaaffigaa.

Imm. 2. Soraarummeernissamik nalunaarutigeriikkamik taamaatitsiniarneq allakkatigut nalunaarutigineqassaaq kingusinnerpaamik soraarummeernissap ullulernerqarfia sapaatip-akunnerinik marlunnik sioqqullugu. Soraarummeerumanani nalunaarneq taassumanga kingusinneruppat soraarummeersussarluunniit malittarisat malillugit iluamik nalunaarsimanani takkutinngitsoorpat, tamanna angusinngitsoorluni soraarummeernertut nalilernerqassaaq.

§ 24. Kinaluunniit Ilisimatusarfimmi Ilinniaatsinut Institutimi ilinniartitsisutut akuerisat aamma tassani soraarummeersitsisinnaavoq.

Imm. 2. Ilisimatusarfimmi Ilinniaatsinut Institutimi soraarummeersitsisinnaaneq ilitersuisinnaanerlu immikkut pissutissaqartillugu soraarummeersitsisussamut ilitersuisussamullu avataaneersunut nalunaarutigisinnaavai.

§ 25. Soraarummeerneq kalaallit, qallunaat imaluunniit tuluit oqaasii atorlugit ingerlanneqarsinnaavoq. Ilisimatusarfimmi Ilinniaatsinut Institutilli piumasarisinnavaa soraarummeerneq oqaatsit pingasut taaneqartut arlaannaat atorlugit ingerlanneqaqqullugu soraarummeersitsisussap imaluunniit nalileeqataasussap oqaatsit allat atorsinnaanngippagit.

Imm. 2. Ilisimatusarfimmi Ilinniaatsinut Institutilli soraarummeerniartoq allakkatigut qinnuteqarpat aalajangersinnaavaa Ilisimatusarfimmi Ilinniaatsinut Institutip oqaatsit piumasarisaanit allaanerusut atornerqarsinnaasut. Qinnuteqaat Ilisimatusarfimmi Ilinniaatsinut Institutimit tiguneqareersimassaaq soraarummeersitsisussat allattorsimaffiata tamanut saqqummiunneqarneranni kingusinnerpaamik ullut arfineq-marluk kingorna.

§ 26. Ilisimatusarfimmi Ilinniaatsinut Institutimi soraarummeernerit nalinginnaasumik pissassapput juunimi januaarimilu.

Imm. 2. Ilisimatusarfimmi Ilinniaatsinut Institutip akuerisinnavaa misilitsinnerit, aamma napparsimalluni misilitsinnissaq, soraarummeernerup nalinginnaasumik piffissaata saniatigut pisinnaasut.

Imm. 3. Napparsimaneq pissutigalugu soraarummeernissamik qinnuteqaatit tamarmik nakorsap nalunaarutaanik uppersarsaatitaqassapput, kingusinnerpaamik soraarummeerfissaagaluq ullunik sisamanik kingoqqullugu tunniunneqarsimasussanik.

Imm. 4. Napparsimaneq pissutigalugu immikkut soraarummeernissaq taamaallaat akuerineqarsinnaavoq soraarummeertussaq

- 1) soraarummeerfissamini napparsimasutut nalunaarutigineqarpat,
- 2) soraarummeernerup nalaani napparsimalerpat,
- 3) napparsimanini pillugu soraarummeeriannngitsoorpat, imaluunniit
- 4) nammineq napparsimanermi saniatigut immikkut illuinnartumik uppersarsarneqarsinnaasumik pissuteqarluni soraarummeeriannngitsoorpat.

Imm. 5. Napparsimalluni soraarummeerneq soraarummeernissamut soraarummeerniartup nalunaarfigisimasaraluanut taarsiuttutut nalilernerqassaaq.

Soraarummeersimanermut uppersarsaat

§ 27. Ilisimatusarfimmit soraarummeerneq naammassineqartoq pillugu uppersarsaat atsiorneqassaaq. Uppersarsaatip inussaata aqqa oqartussaasorlu atsiuisoq pillugit paasissutissanik imarisami saniatigut

minnerpaamik imarissavai:

- 1) taaguut soraarummeernikkut atorneqarsinnaalersoq,
- 2) ilinniagassat misilitsiffigineqartut,
- 3) naliliussat anguneqartut,
- 4) ilinniakkat ilagisaat allatut uppersaateqartinneqartut,
- 5) ilinniakkami ataatsimi ilinniarnermi qanoq peqataatigineq,
- 6) misilitsinnerit allami qaqisiffigisimasat kiisalu
- 7) ilinniagaqarnerup taaguutaa kalaallisut, qallunaatut aamma tuluttut.

Imm. 2. Soraarummeersimanermut uppersaat allassimassaaq kalaallisut, qallunaatut tuluttullu.

Imm. 3. Ilinniarfinni arlalinni naammassillugit ilinniarsimanernut ataatsimoortumik uppersaat allagarserneqassaaq ilinniarfimmit ilinniagaqarnerup immikkoortuata kingulliup naammassineqarfigisaanit.

Imm. 4. Ilinniartumut, ilinniarnerninik naammassinagu qimatsisussamut, ilinniagaqarnerup ilaanut qaqisiffigisanut uppersaat Ilisimatusarfimmi Ilinniaatsinut Institutip atsiussavaa.

Kapitali 5

Ilinniagassat aaqqissuunneqarnerat

§ 28. Ilisimatusarfik ilinniagassat ataasiakkaat pillugit ilinniagassat aaqqissuunneqarneranni malittarisassaliussaaq, tak. Ilisimatusarfik pillugu Inatsisartut inatsisaat nr. 16, 31. oktober 1996-imeersoq, § 11, imm. 1 aamma § 14, imm. 3 aamma imm. 4.

Imm. 2. Ilinniagassat aaqqissuunneqarneranni malittarisassaliorneqassapput

- 1) ilinniagaqarnerup ilaasa ataasiakkaat anguniagassartaat, imarisassaat sivilissusissaallu,
- 2) ilinniartitseriaasissat, tamakkununnga ilanngullugu sulilluni sungiusarnek ilaatinneqassanersoq,
- 3) kursusernerit tulleriiaarneranni pituttusimaffusinnaasut,
- 4) soraarummeernissamut piumasarisat immaqalu misilitsittarnerit aalajangersimasumik inissinneqassanersut,
- 5) misileeriaatsit (sivilissusissat, nakkutilliisoqartitsineq, allattarissanik angerlaallugit suliaqarnek, najoqqutassaqartitsineq, piareersarfissat, misilitsiqittarnerit, akuleriissitsinissamut periarfissat il.il.),
- 6) nalileeriaatsit, tamakkununnga ilanngullugit misilitsinnerit suut karakterilerneqartassasut, kiisalu allattariarsornerni naliliinissamut piffissamik killiliisarnissat,
- 7) misilitsinnerit qassiusarnissaat misilitsinnernilu ataasiakkaani karakteriliussanik nalilersuisarnek,
- 8) speciali,
- 9) ilinniartup ilinniarnissamut piffissarititap iluani Ilisimatusarfunngitsumi ilinniartitsissutinik sammisaqarnissamut periarfissaqartinneqarsinnaanera, aamma
- 10) soraarummeernermut atuarsimasassat aalajangersarneqarnissaat imaluunniit atuarsimasassanut missingersuusiornissaaq, kiisalu soraarummeernernut atasumik atuarsimasassanik aalajangiivinnissamut piffissaliussassat.

Imm. 3. Ilisimatusarfimmi Ilinniaatsinut Instituti ilinniagassat aaqqissuunneqarneranni malittarisassanit taamaallaat ilinniarfimmit aalajangersarneqarsimasunit allaasumik iliortoqarnissanik akuersisinnaavoq.

Imm. 4. Ilinniagassanik aaqqissuussinissaaq atorussanngortinneqartinnagu ilinniagassanillu aaqqissuussinermik annertuumik allannqortitsisoqartillugu ilinniartup ilinniartunik tigussissussat sinniisuat, tassunga ilanngullugu nalileeqaatasartut siulittaasuut, atassuteqarfigissavai. Ilinniarfiit allat

ilisimatinneqassapput ilinniakkami imaluunniit ilinniakkani pineqartuni ataqatigiissaarinissaq eqqarsaatigalugu.

Imm. 5. Ilinniagassanik aaqqissuussinerit taakkunanilu annertuumik allanngortitsinerit atortuulertassapput ukiup ilinniarfusup aallartinnerani.

Imm. 6. Ilinniagassanik aaqqissuussinerit ilinniagassanillu aaqqissuussinernik allanngortitsinerit ilinniartitaanermut pisortaqarfimmut, ilinniarfinnut allanut nalileeqaataasartunullu paasisutissatut nassiunneqassapput.

§ 29. Ilisimatusarfimmi Ilinniaatsinut Institutip tamatigut imaluunniit ilinniagassat aaqqissuunneqarneranni aalajangersakkatigut nalinginnaasutigut akuerisinnaavaa nalunaarut manna malillugu uppersaateqartunik misilitsinnerit, ilinniarfimmi allami qaqisiffusut, ilinniarfimmi misilitsinnernut naligititaanissaat.

Imm. 2. Ilisimatusarfimmi Ilinniaatsinut Institutip tamatigut imaluunniit ilinniagassat aaqqissuussaaneranni aalajangersakkatigut nalinginnaasutigut akuerisinnaavaa Danmarkimi imaluunniit nunami allami ilinniarfimmi qaffasinnerusumi fagip imaluunniit ilinniagassap iluani ilinniagaqarnerup ilaanik naammassisimasat ilinniagassat ilaannut nalunaarummi matumani ilaatinneqartunut taarsiunneqarsinnaanerat.

Imm. 3. Ilinniagaqarnerup ilaanik imm. 2-mi taaneqartunik naliliinerit nuunneqartassapput Angusinertut imaluunniit 13-skala malillugu karakterisut, tak. § 20. 13-skala malillugu karakterinik nuutsisoqarsinnaavoq ilinniakkap ilaa pineqartoq ilinniarfinni arlariinni skala taanna malillugu nalilerneqarsimappat ilinniarfillu pineqartut allatut isumaqatigiissuteqarsimanngippata.

Kapitali 6

Malittarisassanit immikkoortumik akuersinissaq, naammagittaalliorneq atortuulerrissarlugu.

§ 30. Ilinniartitaanermut Pisortaqarfiup nalunaarummit matumangga allaassuteqartitsinissaq misiliinerit ilaasumik akuerisinnaavaa. Tamanna peqatigalugu misiliinissap sivilissusissaa qanorlu nalunaarusiortarnissaq aalajangersarneqassapput.

Imm. 2. Ilinniartitaanermut Pisortaqarfik nalunaarummi uani aalajangersakkanit allatut iliortoqarnissaanut akuersinnaavoq pissutsinik nalinginnaanngitsunik patsiseqartumik.

§ 31. Nalunaarut una malillugu Ilisimatusarfimmi Ilinniaatsinut Institutip aalajangiineri pillugit naammagittaalliuutit Ilisimatusarfimmut tunniunneqassapput. Ilisimatusarfiup aalajangiineri pillugit naammagittaalliuutit inatsisiliornermut tunngasuugaangata Naalakkersuisunut suliaassanngortinneqarsinnaapput, Ilisimatusarfik pillugu Inatsisartut inatsisaanni nr. 16-imi, 31. oktober 1996-imeersumi § 23 naapertorlugu.

§ 32. Nalunaarut una atortuulerrpoq 20. maj 2005-imi.

Namminersornerullutik Oqartussat, ulloq 19. maj 2005.

/

Lise Lennert Olsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut